

三李年譜

關中三李年譜卷七

山陽吳懷清編

天生先生年譜

康熙十六年丁巳四十七歲

春赴鳳翔復之延安

朱狀公屏居北山下去西安二百餘里凡軍機密議待決於公者郵

使相聞絡繹不絕公厭之避地鳳翔又之延安按是年有鳳翔呈周制府及壽鄂制府新補河西撫軍詩鄂除甘撫爲十六年時駐延安公之冬顧甯人至富平過所延安想因鄂而往或均在是年

居明月山下登堂拜母

按頻山亦名明月山在富平東北七十五里先生居在山下

鶴徵錄天生與亭林竹垞暨李良年爲布衣昆弟交天生小於顧朱而長於良年二歲雖在客所及私寓無或亂者故詩云登堂初拜母讓齒忝爲兄顧譜丁巳九月入陝訪李中孚於富平李子德來迎因過所居月明

山下登堂拜母按明月倒誤二曲歷年紀略
丁巳冬顧甯人自山右來訪因寓軍砦之北陳祺公櫬
歸自粵赴哭至保定

是年秋九月長女殤

砥齋集頻陽札記在頻陽唯李天

談及予頻行其女竟殤矣按山史以丁巳九月十八至

頻陽九年先生有哭殤女季羸詩此殤者應爲長女

是年詩有鳳翔呈周制府彝初先生一首按詩春旗遠照梅花外應

是春

作送姚叔煙還錢塘二首代送卜簡菴明府聞訃還

越一首代送譚方蘧一首

按詩有絕塞仗難兄應譚舟石弟名待考

送陳嗣

華太學之保德任一首扶風行贈王九青太史一首

扶風

志王豫嘉字九青嘉靖乙丑進士浙江參政秉鑑孫順治十八年進士選庶吉士官侍講博極典籍著有詩古

詞代寄贈張紫臣郡丞一首代寄謝譚延州見貽榆林

志一首

曝書亭集譚舟石墓志譚吉璉字舟石浙江嘉興人康熙九年由中書出任延綏城堡廳同知

駐榆林官至登州知府

代送新推舍人徐明府還越省覲一首胡

叔子灝亭挽詩卽慰參藩公四首題孫邠公小像一首

題白孺人小像一首壽鄂制府新補河西撫軍五首

東華

錄康熙十六年七月以鄂善爲甘肅巡撫代中秋客青門奉懷徐明府一首

中秋卽事二首承聞亭林先生中秋抵華下阻雨尙稽

省視悵然有作四首詣華陰時亭林先生未至一宿而

行二首亭林先生肯訪山村留宿見贈四詩用韻奉答

四首

亭林詩集是年過李子德四首憶昔論交日星霜一紀更及門初拜母讓齒忝爲兄樹引流泉細山

依出月明相看仍慰藉均不負平生積雨秋方漲相迎到華陰水驚龍鬬駛泥怯馬蹄深尙阻東軒佇多煩瀨

口尋白雲清渭色聊足比君心拜跪煩兒女追陪有弟
昆雲開王翦廟風起魏公原俠氣凌三輔哀思叫九閭
向來多感激不覺倒清尊擬卜南山宅先尋北道鄰關
河愁欲徧編紵竟誰親異國逢矜式同人待隱淪便思
來嶽頂揮手謝風塵陝西志顧炎武嘗集杜句題贈因
篤云文章來國士忠厚與鄉人按朱狀亦云顧徵君集
杜句題於庭柱而富白撫軍祠迎送神祠三章按陝西
平志作郭九芝贈誤

頌滿洲正白旗人康熙七年任趙母王碩人六秩詩一
陝撫九年卒諡清獻或卽此人

首秋雨同開美客劭鎬齋中方叔繼至聯牀敘舊感懷
成篇一首池陽焦翁像贊一首壽周制府彝初先生一

首贈劉明府敬菴四首同舅氏十六翁表弟子經集少
華孝廉草堂雨中夜酌卽事一首贈奉先令采公弟四
首壽公門宗翁百歲二首邑里絕句五十首酬母姨夫

焦二虞先生一首

三原志焦之夏字二虞明大同巡撫源溥仲子郭山函廣文

謁選一首舅氏十六翁齋中牡丹盛開招開美飲奉寄

此作二首代贈楊太守陞榆林兵備卽送之官一首

陝西

志楊三畏良鄉人進士康熙十一年任榆林道延綏志楊三知良鄉人康熙十一年任神木道按名異貫同應

卽此

寄懷趙大蒼篆一首寄朱太史卽問疾二首

頻陽札記

丁巳秋九月顧甯人先生入關止於予明善堂將同築山居老焉頻陽郭九芝明府使來附朱山輝太史之計

札云朱太史晚年好學文章卓然有體一日溢逝關中喪一名紳弟與天生憑弔隕涕哀不自禁按詩比來暫

臥翩然起綠柳黃鸝處處新似寄采臣明府弟時膺薦

剡一首贈茹別駕四十韻兼寄公子紫庭明府一首

本集

茹使君墓志銘別駕名珍字君輔世爲山陰人遭亂家宛平由內院出爲宛陵郡僚遷汾海參軍僉秦藩幕陞

西安府通判兩署都閫一視知府事十署
同知兼委縣篆按紫庭名儀鳳詳雪本譜六月二日集

陳大允中宅贈韓二溥其初度一首雨公同茂引過訪

留飲值七夕卽事二首寄壽鄂撫軍一首
按原注時鄂在上郡余之

山右考鄂善以十四年駐延安剿賊十六年除甘撫未幾赴任此云在上郡仍十六年事與前壽鄂制府同一年何也哭陳使君祺公柩次十二首

撰朱大參山輝先生墓誌銘邑文學豎元田公墓誌銘
別駕明陽魏公柩表答李隱君書

康熙十七年戊午四十八歲

春在里門邑令郭九芝傳芳迎顧甯人自晉至
甯人與潘次耕

書頻陽令郭公卽迎中孚而僑居其邑今復遣人千里來迎可稱重道之風而天生遂欲爲我買田結婚之計

雖未可必然
中心願之矣
閏三月先生遣家人至曲周迓甯人嗣子
衍生之師李旣足霑至期會於軍砦李中孚先生家時

詔舉博學鴻儒文行兼優之士內閣學士項景襄李

天馥大理少卿張雲翼咸以先生名上以母老病辭不

許

聖祖實錄康熙十七年七月庚申吏部題各省題薦人員原令其作速起程今陝西李因篤以母老辭

相應咨催赴京得旨因篤等旣經諸臣以學問淵通文藻瑰麗薦舉該督撫作速起送來京以副朕求賢至意

顧甯人與李星來書云今春薦剡幾徧詞壇關中三友山史辭病不獲而行天生母病涕泣言別中孚至以死

自誓而後得免視老夫天際之冥鴻也

九月九芝爲先生具裝偕茹紫庭

明府北上

本集陳情賦雲中曲呈郭明府詩注余諸京公爲束裝行後公私諸費皆出公賜又兒渭

之平陽會葬因寄紫庭司馬詩仍煩越大河注北征附驥尾

九月抵都

留別吳侍講臥山詩有徵

輪瞻孔急及秋仍主張又南數陳情於部及籲通政司抄抵神京句

弗納總憲魏環谿象樞先生夙交憫其困厄密疏代陳

亦不報朱狀抵都具呈具疏部司皆弗納總憲魏公環谿憫其誠代爲題請亦不報在京度

歲

是年詩有答友兄錫鬯垂示山左見懷之篇一首曝書亭集

康熙九年寄懷李因篤雁門北上忽西還未得相逢一解顏傳道全家依渭曲幾時匹馬出潼關樽前舊事憑

誰說篋裏新詩待爾刪三載齊東留滯日愁看李白讀書山贈履吉侍衛卽懷尊大

人司馬公一首榆林志王坦康熙九年武進士官初雪游擊按履吉應坦字司馬公無考

東廷尉昆仲兼懷山史一首投贈家學士湘北公兼述

近懷一首合肥志李天馥字湘北號容齋合肥人河南永城籍順治十五年進士授檢討官至吏部

尚書武英殿大學士康熙三十八年卒年六十五諡文定爲閣學日詔舉博學鴻詞薦李因篤秦松齡諸人

稱得人按湘北著有容齋千首詩生崇禎八年乙亥少先生四歲投贈內閣項學士兼

書所懷一首錢塘志項景襄字去浮號眉山順治九年進士改庶吉士授檢討官至兵部左侍郎

康熙十七年詔舉博學鴻儒文行兼優之士景襄薦四人應擢謙李因篤尤知名二十年卒年五十四按項

生天啓七年丁卯長先生四歲無異先生同客京師家書至有舉曾孫

之慶喜甚旣而歎曰安有爲人作曾祖尙可干進者愚

述其意爲賦古時因得略敘山川門閥之雄並及生平

梗概凡六百字卽示門人宜輔一首居易錄華州宗人弘撰山史博學君

子也康熙乙未以博學鴻儒徵至居京師城西昊天寺不謁貴游以老病辭不入試罷歸嘗攜示蘭亭湍流帶

右天五字未損本唐棣水仙圖乞余長歌同觀者施侍讀愚山也在關中蓋張芸叟一流人按無異生明天啓

二年壬戌時年五十七長先生九歲子
宜輔拔貢官海州同知曾受業先生
東高舍人澹人

二首

錢塘志高士奇字澹人號江村監生由詹事府錄
事改中書舍人遷翰林侍講歷正詹事官至禮部

侍郎

卒年五十九諡文恪著有春秋講義毛詩集解左

傳紀事

春秋地名列國君臣姓氏考天祿識餘金鼇退

食筆記

東西扈從日錄塞北小鈔登岱恭紀松亭行紀

北野抱甕錄

江村銷夏錄歲時彙編柘西閒居讀書筆

記及隨輦

城北宛西歸田答儲明府廣期二首贈馮訥

獨日清吟

竹窗諸詩文集

生比部初度二首賦伯母瞿太夫人初度五首

按太夫人湘北

學士也投贈馮相國兼上七秩之觴一首

益都志兼國史傳馮溥字孔博

一字易齋

順治四年進士授編修官至刑部尚書拜大

學士

康熙十七年年七十乞休不許二十三年予告歸

加太子太傅

三十一年卒年八

十三諡文毅

著有佳山堂集
東高謨園進士二首

志高層雲

字二鮑號謨苑康熙十五年進士授大理評

事典試廣西

與修一統志升吏科給事中累遷太常卿

卒年五十七層雲少以古文詞名噪京師工書及畫尤善鑒賞鶴徵錄謾苑著有改蟲齋集按畫史彙傳作字謾園號二鮑崇禎甲戌生少先生三歲裴主事晉裔新納第三寵姬有贈

一首

陝西進士錄裴憲度字二華高陵人順治十八年進士歷廣東提學道按晉裔應其別字結韻應笑

閉門王給事似謂王幼華又旦十四年徵爲給事中陳情抵京再寓張幼南齋中

屬書屏詩十首

作重修下馬陵記與項學士書與魏環谿先生書嘉興

府同知楊公旭孟先生暨配三宜人墓志銘先府君李

公孝貞先生行實

按此爲顧亭林至富平乞譚使君舟作孝貞墓表者應是年作

石守榆紀略序

按序司馬以詞名應詔職下秋日與使君邂逅都亭考槐廳載筆十七年薦舉

博學宏詞赴都驗到一百三十一員中有譚吉璵原任西安府延安同知是舟石是年在都索序於先生者

閻再彭先生六袞並追饗丁孺人序

按閻潛邱年譜康熙丙辰父六十以

母喪未除次年舉觴應在十六年丁巳而閻譜於十八年又引北行日札閻牛翁先生壽序初度之辰在九月十日先是友人魏君冰叔李君子德既各有作云云潛邱亦舉鴻博應十七年在都索作者

康熙十八年己未四十九歲

春三月丙申朔

詔試博學鴻儒於體仁殿並

賜宴

試題璿璣玉衡賦省耕詩五言排律二十韻

聖祖實錄十八年

三月丙申朔試內外諸臣薦舉博學鴻儒一百四十三人於體仁殿賜宴

甲子

是月二日揭曉

先生名列一等第七

命纂修明史

實錄三月甲子諭吏部薦舉到文學

人員已經親試其取中一等彭孫通倪燦張烈汪影喬萊王頊齡李因篤秦松齡周清原陳維崧徐嘉炎陸棻馮勛錢中諧汪楫袁佑朱彝尊湯斌汪琬邱象隨二等李來泰潘耒沈珩施閏章米漢雯黃與堅李鎧徐鉉沈

筠周慶曾尤侗范必英崔如岳張鴻烈方象瑛李澄中
吳元龍龐塏毛奇齡金甫吳任臣陳鴻績曹宜溥毛升
芳曹禾黎騫高詠龍燮邵吳遠嚴繩夏五月庚戌實錄
孫俱著纂修明史分別授以職銜

甲午朔庚戌詔授檢討旋乞養具呈吏部及通政司皆
爲十七日

不納不得已冒封事上之本集趙母田碩人入表序有云予獨何人能忘定省冒禁

陳情皇上帝鑒其誠許之不以違制罪也觚賸云本朝兩大文

章葉方伯映榴絕命疏與因篤陳情表也顧甯人與李
湘北書關中布衣李君因篤頃承大疏薦揚旣徵好士

之忱尤羨拔尤之鑒但此君母老且病獨子無依一奉
鶴書相看哽咽雖趨朝之義已迫於戴星而問寢之私

倍懸於愛日况年踰七十久困扶牀路隔三千難通嚙
指一旦禱北辰而不驗回西京以無期則餅壘之恥奚

償風木之悲何及昔者令伯奏其愚誠晉朝聽許元直
指其方寸漢主遣行求賢雖有國之經教孝實人倫之

本是用遡風卽路瀝血叩閭伏維執事宏錫類之仁憫
向隅之泣俯賜吹噓仰徵俞允俾得歸供菽水入侍刀

圭則自此一日之斑衣卽終身之結草矣若炎武者黃冠崩屨久從方外之蹤齒豁目盲已在廢人之數而以生平昆弟之交理難坐視輒敢誨書輦下布以區區按此書乃作於應召入都之時詞意多與乞養疏同豈書爲先生代擬耶又甯人答先生書老弟雖上令伯之章以我度之未必見聽昔朱子謂陸放翁能太高跡太近恐爲有力者所牽挽不得全其志節正老弟今日之謂矣但與時消息自今以往別有機權公事之餘尤望學易吾弟行年四十有九矣何必待之明歲哉更希餘光下被俾暮年迂叟得自遂於天空海闊之間尤爲知己之愛也

山志已未余將出都時葉訥菴掌翰林院事
李天生方授檢討告終養來余寓曰吾母老矣今不得歸兄竟忍舍弟而去乎余曰我卽不去亦無益於君天生曰此事掌院可以爲力兄肯爲言可濟且言出於兄掌院當益信弟之真情耳詰朝余詣訥菴訥菴已入朝矣余念次日當行不可負諾乃過阮亭處託其轉告阮亭曰兄可作一札弟爲面致便諄言之余卽作一札付之次日余遂行天生來送彈淚而別余歸無幾天生自具疏以通政司難之遂冒不應封而封之禁朝廷以其情詞懇摯特予終養不罪也又與葉訥菴太史書友弟

李天生有老母在堂而年已五旬尚無子息前之陳情誠有迫於中者既不獲允謂必應詔後乃可告歸天生自謂不中選則遂初志耳不意復在拔取之列第方東裝特來小寓言及淚下貌苦神傷至致憾於弟之端歸弟雖爲心惻莫能力助於友誼殊愧天生在關西洵爲無雙之士朝廷以孝治天下廊廟之上豈少此一人古云憂能傷人此子當不永年是可念也先生有斯道之任而又蒙聖眷特隆詎能忽然置之膜外乎曲成一佳士亦大臣之義也唯先生圖之

秋初出都

按曹秋岳寄懷有伏日東門脂轍早出都應在初秋

龔芝麓宗伯遙題草堂以西京文章領袖六字贈行集

詩註龔宗伯遙題草堂以西京文章領袖六字贈行歸途失於水

朱竹垞檢討祖錢於

慈仁寺

曝書亭集王崇安詩序子德獨兄事余及同過入史館陳情歸養余錢之慈仁寺憚淚而別

汾州省顧甯人於天甯寺

亭林詩集子德自燕中西歸省我於天甯寺一載燕臺別

頻聞注問書天空鳥鳥去秋到雁行初共識斑衣重偏憐皂帽疏輕身騎款段一徑訪樵魚汾州志李因篤與

崑山顧炎武太原閻若璩皆以博古精考核爲學抵家者推重其至汾陽因炎武遊汾時取道而來也

具冠裳拜母隨易常服見宗族戚友出門乘羸馬從小

奚與令丞簿尉往還如舊儀

朱冬赴青門

是年詩有答無異先生一首

按詩柳自青陽色應是年春作

贈張振六

員外一首王茂衍方伯初度卽事一首述懷呈御史大

夫魏公環谿先生一首

蔚州志參國史傳魏象樞字環谿號康齋直隸蔚州人順治三

年進士由庶吉士改刑科給事中十一年以事降詹事府主簿稍遷光祿丞告養歸康熙十一年母憂除以薦

起御史十七年累遷左都御史旋晉刑部尚書

贈家學

士公初度一首二月四日雪後王侍讀阮亭招同諸子

集飲屬賦古體卽景拈積素廣庭閒之句爲韻五首

揚州